



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

13.12.2022

382-um-son

### **O‘zbekiston yoshlar ittifoqining Toshkent davlat yuridik universitetidagi boshlang‘ich tashkiloti yoshlar yetakchisiga har oylik qo‘shimcha haq to‘lash to‘g‘risida**

O‘zbekiston Respublikasi Vazirlar Mahkamasining 2021-yil 11-martdagi “Yoshlarni ijtimoiy qo‘llab-quvvatlash bo‘yicha qo‘shimcha chora-tadbirlar to‘g‘risida”gi 132-son qarori, O‘zbekiston Respublikasi Oliy va o‘rta maxsus ta’lim vazirligining 2021-yil 16-martdagi 87-01-251-son topshiriq xatida belgilangan vazifalar ijrosini ta’minlash, talabalarda yetakchilik faoliyatiga bo‘lgan qiziqishni oshirish, O‘zbekiston yoshlar ittifoqining Toshkent davlat yuridik universitetidagi boshlang‘ich tashkiloti yoshlar yetakchisini nufuzini oshirish va qo‘llab-quvvatlash hamda O‘zbekiston yoshlar ittifoqining Toshkent davlat yuridik universitetidagi boshlang‘ich tashkilotining 2022-yil 29-sentabrdagi 1-son Hisobot-saylov yig‘ilishi bayoniga muvofiq,

### **BUYURAMAN:**

1. O‘zbekiston yoshlar ittifoqining Toshkent davlat yuridik universitetidagi boshlang‘ich tashkilotining 2022-yil 29-sentabrdagi 1-son Hisobot-saylov yig‘ilishi bayoni ma’lumot va ijro uchun qabul qilinsin.

2. Quyidagilar:

O‘zbekiston yoshlar ittifoqining Toshkent davlat yuridik universitetidagi boshlang‘ich tashkilotining 2022-yil 29-sentabrdagi 1-son Hisobot-saylov yig‘ilishi bayoniga muvofiq Jinoiy odil sudlov fakulteti 3-bosqich talabasi Isoqov Furqat Ahmadjon o‘g‘li O‘zbekiston yoshlar ittifoqi boshlang‘ich tashkiloti Yoshlar yetakchisi sifatida saylanganligi;

O‘zbekiston Respublikasi Vazirlar Mahkamasining 2020-yil 31-yanvardagi 59-son qarori bilan tasdiqlangan “Oliy ta’lim muassasalari talabalariga stipendiyalar tayinlash va to‘lash tartibi to‘g‘risida”gi Nizomga Oliy ta’lim muassasalaridagi O‘zbekiston yoshlar ittifoqining boshlang‘ich tashkilot yetakchisi bo‘lgan bakalavr va magistratura bosqichida ta’lim olayotgan talabalarga, ularning

ta'lim olish turi (grant yoki to'lov-shartnoma asosida) va o'zlashtirish ko'rsatkichidan qat'i nazar, Jamg'arma mablag'lari hisobidan bazaviy stipendiyaning besh baravari miqdorida har oylik qo'shimcha haq to'lanishi belgilanganligi inobatga olinsin.

3. Buxgalteriya (M.Parpiev) O'zbekiston Respublikasi Vazirlar Mahkamasining 2020-yil 31-yanvardagi 59-son qarori muvofiq, Yoshlar yetakchisi Isoqov Furqat Ahmadjon o'g'liga 2022-yilning oktabr oyidan boshlab Talabalarni rag'batlantirish jamg'armasi mablag'lari hisobidan bazaviy stipendiyaning besh baravari miqdorida har oylik qo'shimcha haq to'lanishini ta'minlasin.

4. Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonov:

bshlang'ich tashkilot faoliyat samaradorligi oshirish, faoliyatga talabalarni keng jalb qilish maqsadida boshlang'ich tashkilot qoshida faoliyat yuritayotgan turli to'garak va klublar faoliyatini tizimlashtirish hamda ularga uslubiy va moddiy-texnik tamonlama ko'mak berish choralari ko'rsin;

Yoshlar yetakchisiga boshlang'ich tashkilot nizomida belgilangan vazifalarni amalga oshirishi, boshlang'ich tashkilot faoliyatiga rahbarlik qilishi, tuzilma nomidan ish yuritishi hamda boshqa huquq va majburiyatlarini sifatli bajarishi uchun tushuntirish ishlarini olib borsin hamda unga uslubiy va amaliy yordam ko'rsatsin;

boshlang'ich tashkilot kengashi tomonidan ish reja va dasturlarini tayyorlashlariga ko'maklashsin va uning ijrosini tegishli tarkibiy bo'linmalar bilan birgalikda amalga oshirilishini nazorat qilsin;

Yoshlar yetakchisini universitetda tashkil etiladigan ishchi guruhlar hamda komissiyalar tarkibida ishtirok etishi, uning fikr-mulohaza va tavsiyasi inobatga olinishini doimiy nazorat qilib borsin;

Yoshlar yetakchisiga faoliyati davomida amalga oshiradigan loyihalari bilan universitetning barcha talabalarini to'liq qamrab olishi uchun tegishli ishlarni amalga oshirishda ko'maklashsin;

Yoshlar kengashi faoliyatini samarali tashkil etish, talabalarning bo'sh vaqtlarini mazmunli o'tkazish va universitetda yoshlarga oid davlat siyosatini amalga oshirish borasida faollik ko'rsatib kelayotgan talabalarni munosib rag'batlantirish bo'yicha takliflar kiritsin.

boshlang'ich tashkilot faollari bilan doimiy muloqotlar tashkil etib, ularning g'oya va tashabbuslarini qo'llab-quvvatlash, ulardan universitet faoliyat samaradorligini oshirish jarayonida foydalanish hamda muhim masalalarni tizimli hal qilish kun tartibidagi birinchi galdagi masala sifatida qaralishiga e'tibor qatarsin;

yoshlar yetakchisi xizmat vazifalarini lozim darajada bajarmaganda hamda yoshlar bilan ishlashda e'tiborsizlikka yo'l qo'yish bilan bog'liq harakatlarni sodir etganda bu haqida O'zbekiston yoshlar ittifoqining Toshkent shahar kengashini xabardor qilgan holda, yoshlar yetakchiligi uchun qayta saylov o'tkazish borasida

taklif kiritsin.

5. Mazkur buyruq ijrosini nazorat qilishni o‘z zimmamda qoldiraman.

**Rektor v.v.b.**



**I.RUSTAMBEKOV**

Toshkent shahar

## **Kiritildi:**

Direktor

SH.PO‘LOTOV



## **Kelishildi:**

Yoshlar masalalari va ma‘naviy-  
ma‘rifiy ishlar bo‘yicha birinchi  
prorektor

A.XASHIMHONOV



Bosh buxgalter

M.PARPIYEV



Moliya-iqtisod ishlar bo‘yicha  
prorektor

A.IMINOV



Devonxona mudiri

X.ABDULLAYEV



yuriskonsult

D.ALIBOYEV

